

第六冊 祠宇譜

粵東簡氏大同譜

全譜裝
十二冊

公元二〇〇四年九月

謹按原譜印制于廣州

粵東簡氏大同譜

廣州簡氏祖祠門聯

嶺表開宗成周世胄
范陽重望季漢家風

順德簡岸系

二十世孫朝亮題



▲今廣州市太和鎮金釵嶺之簡文會狀元墓，和廣州市盤福路市二十七中學內之簡氏祖祠，乃羊城瑰寶，均已成為廣州市重點保護文物，並分別銘立雲石標記。

廣州市文物保護單位
簡文會狀元墓
(包括簡氏祖祠)

廣州市人民政府
一九九三年八月九日公布
一九九四年十一月一日立

●簡公文會，號魁岡，南海黎涌人。南漢乾二年（公元 918 年）狀元及第，累官至尚書右丞。公才華超群，性耿不阿，為官清廉，甚有政聲。漢乾和年間，公冒死直諫暴君劉晟除暴政，觸怒宗，被貶謫為禎州刺史。公被貶后，仍盡心民事，興利除弊，終積勞成疾，死于任上。

●簡氏祖祠之建立，乃繼廣州桂香街簡氏書院暨簡氏十房祠創建（公元 1704 年）之後，嶺南簡氏宗族崇德、愛禮、敬賢、重教之又一重大舉措，功德無量。祖祠崇祀簡氏始祖周王室使命大夫師甫公，遠祖季漢昭德將軍憲和公，南漢狀元尚書右丞文會公等先祖名賢；又以簡氏家族自治社之名義在祖祠創辦衆賢中學，培育英才，顯揚四方。

●《粵東簡氏大同譜》面世至今，已逾七秩，經歷世代變換、人事變遷，世道變幻及環境變易，現仍完好幸存者寥若晨星，有瀕臨失傳之勢。鑒于此況，衆宗親議印大同譜之意切切。種德如種樹，順德勒竹系旅港宗親鑒江先生慷慨捐資港幣五萬五千元，以助印譜；同宗燦標、揚威、振雄、普權諸昆仲熱誠操辦印譜事宜。僅以此，爲承傳吾宗歷史典籍、弘揚中華民族文化盡綿薄之力。捐資者與操辦者商定：以普權先生1994年復印之譜本爲稿本，委托廣州市天河思龍印刷廠制作PS版印制398套（綫裝，每套13卷，分裝12冊，每套印制費人民幣120元）。印舊如舊，分送粵東各地親房及有關圖書館和文史機構，個人有償取譜。至于印譜后之余款及個人取譜所交款，鑒江先生認捐予屏山簡公佛廟。

● 聯系地址：廣州市番禺區鐘村屏山二村 郵碼：511495

聯 系 人：簡應秋 電話：020-84777000

13502445749

簡揚威 電話：020-84771109

13794342322



排左起應峰、燦標、鑒江、應秋。
左起但仔、振雄、揚威、普權；後
同譜付印議決會之到會昆仲：前排
▲二零零四年九月二十六日，大

中華民國十七年
戊辰春三月發印

粵東簡氏大同譜卷六

祠宇譜

祠堂

書院附

自治社附

坊表附

祠堂之名周末有焉王逸楚辭注言屈原見公卿祠堂畫壁斯可推也蓋自世祿不行大夫士廟制漸亡於是乎有祠堂以祀先而收族朱子家禮貴立祠堂矣祠本春祭名也春統四時遂爲祭百神羣祀之通名因而名其祭所亦曰祠則祠堂可惟以祠稱明嘉靖中詔天下臣民得祭始祖謂始命氏者也謂始來遷者也皆始別焉故禮曰別子爲祖而祠禮則始祖祠特尊粵東吾宗其始來遷而別者列祖也今大同譜皆書之尊尊也皆書之而不皆稱祖祠者何此列祖之尊尊也列祖尊矣

師甫公爲列祖之所自出則尊之尊者也始以周大夫命氏而別也禮曰諸侯不敢祖天子大夫不敢祖諸侯師甫公所由別之爲祖也於師甫公而特書曰祖祠則列祖皆在子孫之序此列祖之尊尊也秩然其出於一也列祖始遷者必書其祠以祠見其始遷之實也非有祠無以實始遷之地也遷地未實何以稱始遷祖乎古之別子爲祖者皆有廟也祠必立主者何禮坊記曰宗廟之有主也示民有事也脩宗廟敬祀事教民追孝也論語異文言廟主者曰周人以栗公羊傳注同今其猶以栗歟主宜位次者何明禮臣議高祖居左曾祖居右祖居次左考居次右其左右以堂之嚮大門者言也今

宮室之制則宜矣主宜題稱者何少牢饋食禮曰用薦
歲事于皇祖伯某其稱伯某之配而合食者曰某氏蓋
伯某者稱字也若有諡則稱諡焉稱號則後世有焉某
氏者稱姓也今禮稱同妣再三繼者何喪服小記曰婦
祔於祖姑祖姑有三人則祔於親者蓋祔則主祔焉親
者謂所生也此再三繼而皆嫡也儀禮喪服曰繼母如
母其傳曰繼母之配父此不可以繼室稱也稽諸左傳
繼室豈其嫡乎妾有子則主入廟者何喪服小記曰妾
祔於妾祖姑亡則中一以上而祔亡古通無上時掌反
中一者中越一代也此以知妾主亦從高曾在廟中矣
凡若此者皆祖祠之禮也吾宗愛禮者當明清之際湖

涌糸更生公勅建祖祠於省會桂香街湖涌糸渭源公
渭川公車陂糸曠宇公同力集貲成事宗禮始行迄今
黎涌糸照南玉階英甫兄弟奉先節母命捐白金十萬
圓又建祖祠於□□□□照南從弟孔昭奉母命捐
三萬圓助之羣宗人又登捐冊助之宗禮漸宏後之人
搏節焉增美焉勉以大乎祠禮蒸嘗者當有在也

謹按朱子家禮祠堂神主位次以西爲上
蓋謂神道尙右也此非攷儀禮釋宮不明
也爾雅曰西南隅謂之奧而奧與南牖卽
連故詩曰于以奠之宗室牖下蓋主則居
奧焉明其以西爲上也明史禮志謂古無

神道尙右之說非也此與周官左宗廟之說並行而不悖左宗廟者東方生氣不忍死其親也在寢室之左以人道言也主以西爲上則在宗廟中之右以神道言也毛氏奇齡所議者亦非也惟宮室之制今與古不同今神主位次當從明禮臣議焉從其宜也

又按引不敢祖者禮郊特牲文坊記讀坊若防饋食之食音嗣繼室見左傳隱元年反讀平聲與翻同

又按墳塋書嚮省墓故也斯辨其方而識

之也非惑乎術家言也祠宇嚮當別載焉
斯則不書蓋與省墓之義不同毋以術家
言妄致疑也識音志

又按吳氏定云主成擇子孫或媼友之工
書者書之近世迺欲乞有爵者之一點以
光耀其親豈我親之神之依於主也必藉
貴人之氣而後神哉烏虜其亦蔑視吾親
之甚也矣此殿麟吳氏之論爲孝子者可
不猛思乎世之笑柄謂人之可棄者爲點
主筆其亦何神之有

又按廣東新語云嶺南右族其曰大宗祠

者始祖之廟也庶人而有始祖之廟追遠也收族也追遠孝也收族仁也匪僭也匪諂也又云增置祭田名曰烝嘗烝或作蒸古通用

又按子孫遷居而未立祠堂其宗支世系當統之於其出自有祠堂之祖待他日建祠堂遷地既定乃別爲始遷祖昭其實也其世系則敘之宗支譜終篇俾有待也今建省會祖祠豫備列系後來添設始遷祖主之位義也其添設者在祭期行焉斯禮之宜也

祠堂

以宗序先後爲次

粵東開宗

祖祠

一在廣州城

今名廣州市

桂香街凡所議祀事具紀略碑文

清康熙四十三年甲申建乾隆二十六年辛巳道光十六年丙申光緒十六年己丑脩匾曰賚成堂

一在廣州

□□□□祀始祖周王室使命大夫師甫公

妣□氏遠祖季漢昭德將軍憲和公妣□氏從祀則列系始遷祖暨妣而遞饗其象賢者南漢狀元及第尙書右丞
禎州刺史祀鄉賢祠魁岡公妣陳氏繼妣瀛氏宋處士

旌表孝友祀鄉賢祠克己公妣□氏元薦辟江西行省員
外旌表孝友世英公妣王氏明鄉兵禦亂旌表忠義

祀忠義祠韋菴公妣朱氏從祀東序焉明舉人衢州府通判祀名宦祠巽山公妣孔氏明庠生旌表孝子祀孝弟祠成山公妣梁氏明貢生廉州府教授祀鄉賢祠我南公妣趙氏清贈奉直大夫祀孝弟祠□□公諱文妣□氏從祀西序焉□□□□建匾曰衆賢堂

謹按象賢從祀必以奏定旌表見於各志者爲斷吾宗在今言之斷惟此八公也

簡岸系二十世孫朝亮爲此祠中座聯曰在春秋名於經若王使功在國志名於史若將軍德立孝顯揚昔所聞家聲有自以廷試第一人爲忠諫士以仁說第一義爲君子儒象賢風教今而後宗瀛如何

又爲門聯曰嶺表開宗成周世胄范陽重望季漢家風

謹按左傳言立德立功大戴禮有曾子立孝篇此孝經言顯揚者所以言終於立身也家聲風教本詩說象賢本禮說宗灋猶祖述焉公羊傳云成周者何東周也何休注云成周者本成王所定名天下號之其餘詳宗支譜及家傳譜

省城桂香街祖祠紀略

桂香街祖祠地基原有零星小屋數椽皆朽腐不堪新會縣孝廉劉國用叔姪價頂廢藩下牛衆之舊屋也先是兩藩入粵盡踞老城以居藩兵官舍民房皆不得與康熙二

十二年削平藩亂大中丞金諱鐫李諱士楨先後拜疏請以大市街之東爲官廨餘以奠民居詔報可維時郡之著姓紛紛購買以建祖祠二十六年迪功郎更生公念切追遠集子姓得十房斂貲價買前業連雜費共計二百零八兩尙未經理公卽年老歸鄉日久穢積如阜各房有漁利或踞住私租以潤己橐四十三年秋有渭川弟住佛山者慨然以興創爲己任貽書約余襄事余詢之族衆暨各房請措原議每房三十金之未足者計加九十一兩零以週厥用衆咸是其議先後備赴於是庀材鳩工經始於是年之秋先寢室拜亭兩旁廊房以及照牆兩翼門井廚次第完備若書院大門兩旁鋪舍雖歲暮未及竣工而所需之